



სახელმწიფო შესყიდვების
სააგენტოს თავმჯდომარის
გ ა ნ კ ა რ გ უ ლ ე ბ ა



KA080193988547419

№ 2804

27 / ივნისი / 2019 წ.

ი.მ. გიორგი თამაზაშვილის შავ სიაში დარეგისტრირების შესახებ

შემსყიდველი ორგანიზაცია: სსიპ „არასაპატიმრო სასჯელთა აღსრულებისა და პრობაციის ეროვნული სააგენტო“;

ტენდერის ნომერი: NAT180007195;

შესყიდვის ობიექტი: 45400000 – შენობის დასრულების სამუშაოები;

მიმწოდებელი: ი.მ. გიორგი თამაზაშვილი (პირადი №01008057231);

წერილობითი შეტყობინების საფუძველი: სახელმწიფო შესყიდვების შესახებ ხელშეკრულებით ნაკისრი ვალდებულებების არაჯეროვანი შესრულება.

აღწერილობითი ნაწილი

1. ადმინისტრაციული წარმოების დაწყება

1.1. სახელმწიფო შესყიდვების სააგენტოში 2019 წლის 27 და 31 მაისს წარმოდგენილ იქნა სსიპ „არასაპატიმრო სასჯელთა აღსრულებისა და პრობაციის ეროვნული სააგენტო“ 2019 წლის 24 მაისის №2/46609 წერილობითი შეტყობინება (რეგისტრაციის №5614) და 2019 წლის 31 მაისის №2/48590 დაზუსტებული წერილობითი შეტყობინება (რეგისტრაციის № 5842), რომლითაც სააგენტოს ეცნობა ი.მ. გიორგი თამაზაშვილის (პირადი № 01008057231) მიერ NAT180007195 ელექტრონული ტენდერის საშუალებით დადებული 2018 წლის 31 მაისის № 01/23-18 სახელმწიფო შესყიდვის შესახებ ხელშეკრულებით ნაკისრი ვალდებულებების არაჯეროვანი შესრულების თაობაზე.

1.2. ი.მ. გიორგი თამაზაშვილს სააგენტომ, სახელმწიფო შესყიდვების ერთიან ელექტრონულ სისტემაში მის პროფილში მითითებულ ელექტრონული ფოსტის მისამართზე gumbatitd@gmail.com, 2019 წლის 5 ივნისის № 2117 წერილით აცნობა სააგენტოში შემსყიდველი ორგანიზაციის წერილობითი შეტყობინების წარმოდგენის თაობაზე და, სახელმწიფო შესყიდვების სააგენტოს თავმჯდომარის 2015 წლის 29 ოქტომბრის № 19 ბრძანებით დამტკიცებული „შავი სიის წარმოების წესისა და პირობების“ მე-5 მუხლის მე-5 პუნქტის შესაბამისად, სთხოვა ხსენებულ საქმეზე განმარტების წარმოდგენა. მიმწოდებელს განმარტება არ წარმოუდგენია.

2. შემსყიდველი ორგანიზაციის პოზიცია

შემსყიდველი ორგანიზაციის წერილობითი შეტყობინების თანახმად, მიმწოდებელმა, მიუხედავად გაფრთხილებისა, არაჯეროვნად შეასრულა მხარეთა შორის გაფორმებული 2018 წლის 31 მაისის №01/23-18 სახელმწიფო შესყიდვის შესახებ ხელშეკრულებით ნაკისრი ვალდებულებები და არ აღმოფხვრა საგარანტიო პერიოდში გამოვლენილი ხარვეზი.

3. მიმწოდებლის პოზიცია

მიმწოდებელს ადმინისტრაციული წარმოების ფარგლებში განმარტება არ წარმოუდგენია.

4. სააგენტოს მიერ დადგენილი გარემოებები

4.1. 2018 წლის 10 მაისს სსიპ „არასაპატიმრო სასჯელთა აღსრულებისა და პრობაციის ეროვნულმა სააგენტომ“ გამოაცხადა NAT180007195 ელექტრონული ტენდერი კაპიტალური რემონტისა (შეკეთება) და რეკონსტრუქციის (CPV45453000) შესყიდვის მიზნით.

4.2. სატენდერო კომისიის 2018 წლის 25 მაისის № 4 სხდომის ოქმით, ტენდერში გამარჯვებულად გამოვლინდა ი.მ. გიორგი თამაზაშვილი (პირადი № 01008057231) და იგი მიწვეულ იქნა ხელშეკრულების გასაფორმებლად.

4.3. მხარეთა შორის 2018 წლის 31 მაისს გაფორმდა № 01/23-18 სახელმწიფო შესყიდვის შესახებ ხელშეკრულება, რომლის თანახმადაც, მიმწოდებელს უნდა შეესრულებინა შიდა ქართლის პრობაციის ბიუროს კასპის ოფისის თუნუქის სახურავის აღდგენისა და შიდა მოპირკეთების სამუშაოები ხელშეკრულების გაფორმებიდან 25 კალენდარული დღის ვადაში, 2018 წლის 25 ივნისის ჩათვლით. ხელშეკრულების ღირებულებად განისაზღვრა 6 494,49 ლარი, ხოლო მოქმედების ვადად – 2018 წლის 31 ივლისი.

4.4. მხარეთა შორის გაფორმებული №01/23-18 სახელმწიფო შესყიდვის შესახებ ხელშეკრულების 7.1 პუნქტის თანახმად, შიდა მოპირკეთების სამუშაოების საგარანტიო ვადა შეადგენდა 3 წელს, ხოლო თუნუქის სახურავის მოწყობა/შეკეთების სამუშაოების – 5 წელს. ამასთან, ამავე ხელშეკრულების 7.2 პუნქტის თანახმად, თუ საგარანტიო პერიოდში გამოვლინდებოდა ხარვეზი, მიმწოდებელი ვალდებული იყო, შემსყიდველი ორგანიზაციის მოთხოვნიდან გონივრულ ვადაში, საკუთარი ხარჯით გამოესწორებინა იგი.

4.5. საქმეში არსებული შემსყიდველი ორგანიზაციის 2019 წლის 19 აპრილის № 2/35374 და 25 აპრილის №2/37127 წერილებით დგინდება, რომ საგარანტიო ვადაში მიმწოდებლის მიერ შესრულებულ სამუშაოებს დაუდგინდა ხარვეზი. ამავე წერილებით მიმწოდებელს ეთხოვა ხარვეზის გამოსწორება.

4.6. საქმეში არსებული სსიპ „არასაპატიმრო სასჯელთა აღსრულებისა და პრობაციის ეროვნული სააგენტოს“ ეკონომიკური სამმართველოს სპეციალისტის 2019 წლის 21 მაისის № 52902 მოხსენებით ბარათით დგინდება, რომ მიმწოდებელს საგარანტიო ვადაში გამოვლენილი ხარვეზი არ გამოესწორებია.

სამოტივაციო ნაწილი

5. შემაჯამებელი დასკვნა

საქმეში არსებული მტკიცებულებებისა და გარემოებების შეფასებისა და ურთიერთშეჯერების საფუძველზე, სააგენტო მიიჩნევს, რომ ი.მ. გიორგი თამაზაშვილი უნდა დარეგისტრირდეს შავ სიაში.

6. გამოყენებული სამართლებრივი აქტები

სახელმწიფო შესყიდვების სააგენტოს თავმჯდომარის 2015 წლის 29 ოქტომბრის № 19 ბრძანებით დამტკიცებული „შავი სიის წარმოების წესი და პირობები“.

7. სამართლებრივი შეფასება

7.1. სახელმწიფო შესყიდვების სააგენტოს თავმჯდომარის 2015 წლის 29 ოქტომბრის № 19 ბრძანებით დამტკიცებული „შავი სიის წარმოების წესისა და პირობების“ მე-3 მუხლის მე-4 პუნქტის „ბ“ ქვეპუნქტის თანახმად, სახელმწიფო შესყიდვის ნებისმიერი საშუალებით განხორციელებისას, გარდა კონსოლიდირებული ტენდერისა, პრეტენდენტის/მიმწოდებლის შავ სიაში დარეგისტრირების საფუძველია, თუ მიმწოდებელმა ვერ შეასრულა ან არაჯეროვნად შეასრულა ხელშეკრულებით ნაკისრი ვალდებულებები. იმავედროულად, აუცილებელია, რომ ხელშეკრულების მოქმედების ვადა იყოს გასული ან ხელშეკრულება ვადაზე ადრე იყოს შეწყვეტილი.

7.2. იმავე წესის მე-7 მუხლის მე-2 პუნქტის შესაბამისად, საქმეში არსებული გარემოების გამოკვლევის, შეფასებისა და ურთიერთშეჯერების შედეგად, სააგენტო ადგენს, არსებობს თუ არა პრეტენდენტის/მიმწოდებლის შავ სიაში დარეგისტრირების საფუძველი. იმ შემთხვევაში, თუ არსებობს ამ მუხლის მე-4 პუნქტით გათვალისწინებული გარემოებები, სააგენტო იღებს გადაწყვეტილებას პრეტენდენტის/მიმწოდებლის შავ სიაში დარეგისტრირებაზე უარის თქმის შესახებ, ხოლო იმ შემთხვევაში, თუ არსებობს პრეტენდენტის/მიმწოდებლის შავ სიაში დარეგისტრირების საფუძველი, სააგენტო, ამ მუხლის შესაბამისად, იღებს გადაწყვეტილებას პრეტენდენტის/მიმწოდებლის გაფრთხილების ან შავ სიაში დარეგისტრირების შესახებ.

7.3. განსახილველ შემთხვევაში, დგინდება, რომ მიმწოდებელმა, მიუხედავად გაფრთხილებისა, არაჯეროვნად შეასრულა ხელშეკრულებით ნაკისრი ვალდებულებები და არ აღმოფხვრა საგარანტიო პერიოდში გამოვლენილი ხარვეზი. ამდენად, სააგენტო მიიჩნევს, რომ არსებობს მიმწოდებლის გაფრთხილების ან შავ სიაში დარეგისტრირების საფუძველი.

7.4. სახელმწიფო შესყიდვების სააგენტოს თავმჯდომარის 2015 წლის 29 ოქტომბრის № 19 ბრძანებით დამტკიცებული „შავი სიის წარმოების წესისა და პირობების“ მე-7 მუხლის მე-3 პუნქტის შესაბამისად, გაფრთხილების ან შავ სიაში დარეგისტრირების შესახებ გადაწყვეტილების მიღებისას, სააგენტო, საქმისთვის მნიშვნელობის მქონე გარემოებებთან ერთად, დამატებით ითვალისწინებს დარღვევის სიმძიმეს, პრეტენდენტის/მიმწოდებლის მანამდე მიღებული გაფრთხილების თუ შავ სიაში რეგისტრაციის ფაქტ(ებ)ს, მისი სახელმწიფო შესყიდვებში მონაწილეობის აქტივობას.

7.5. აღსანიშნავია, რომ ი.მ. გიორგი თამაზაშვილი (პირადი №01008057231) 2019 წლის 24 აპრილს, 14 და 21 მაისს დარეგისტრირდა შავ სიაში NAT180017565, NAT180019541 და NAT180017293 ელექტრონული ტენდერების საშუალებით დადებული სახელმწიფო შესყიდვის შესახებ ხელშეკრულებებით ნაკისრი ვალდებულებების არაჯეროვანი შესრულების გამო.

7.6. სახელმწიფო შესყიდვების სააგენტოს თავმჯდომარის 2015 წლის 29 ოქტომბრის № 19 ბრძანებით დამტკიცებული „შავი სიის წარმოების წესისა და პირობების“ მე-7 მუხლის მე-6 პუნქტის თანახმად, შავ სიაში დარეგისტრირების შესახებ გადაწყვეტილება მიიღება იმ შემთხვევაში, თუ შემსყიდველი ორგანიზაციის მიერ წარდგენილი ინფორმაცია სრულად აკმაყოფილებს ამ წესის მე-3 და მე-4 მუხლებით განსაზღვრულ მოთხოვნებს და არ არის სახეზე შავ სიაში დარეგისტრირებაზე უარის თქმის ან გაფრთხილების საფუძველი.


7.7. სააგენტო მიიჩნევს, რომ შემსყიდველი ორგანიზაციის წერილობითი შეტყობინება აკმაყოფილებს ზემოხსენებული წესის მე-3 და მე-4 მუხლებით განსაზღვრულ მოთხოვნებს. ამასთან, სახეზეა მიმწოდებლის შავ სიაში დარეგისტრირების წინაპირობა და არ არსებობს მისი შავ სიაში დარეგისტრირებაზე უარის თქმის ან გაფრთხილების საფუძველები, რადგან მიმწოდებელმა არაჯეროვნად შეასრულა ხელშეკრულებით ნაკისრი ვალდებულებები. შესაბამისად, მოცემული დარღვევისა და მიმწოდებლის შავ სიაში მანამდე არსებული რეგისტრაციის ფაქტების გათვალისწინებით, ი.მ. გიორგი თამაზაშვილი უნდა დარეგისტრირდეს შავ სიაში.

სარეზოლუციო ნაწილი

სააგენტომ იხელმძღვანელა სახელმწიფო შესყიდვების სააგენტოს თავმჯდომარის 2015 წლის 29 ოქტომბრის №19 ბრძანებით დამტკიცებული „შავი სიის წარმოების წესისა და პირობების“ მე-7 მუხლის მე-6 პუნქტით და დაადგინა:

1. ი.მ. გიორგი თამაზაშვილი (პირადი №01008057231) 2019 წლის 28 ივნისს დარეგისტრირდეს შავ სიაში.
2. ამ განკარგულების აღსრულება დაევალოს სახელმწიფო შესყიდვების სააგენტოს ინფორმაციული ტექნოლოგიების დეპარტამენტს.
3. ეს განკარგულება შეიძლება გასაჩივრდეს მისი ოფიციალური გაცნობის დღიდან ერთი თვის ვადაში, თბილისის საქალაქო სასამართლოს ადმინისტრაციულ საქმეთა კოლეგიაში (ქ. თბილისი, დავით აღმაშენებლის ხეივანი, მე-12 კმ, №6), კანონმდებლობით დადგენილი წესით.

თავმჯდომარის მოვალეობის შემსრულებელი



ზაზა ნანობაშვილი